



საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტის
წ ა რ მ მ ა დ გ ე ნ ლ ო ბ ი თ ი ს ა ბ ჭ ო

კოდიფიცირებული

გ ა დ ა წ ყ ვ ე ტ ი ლ ე ბ ა №03

ქ. ბათუმი

12 სექტემბერი, 2016

ბსუ-ს აკადემიური პერსონალის ავილირების, აკადემიური დატვირთვის
განსაზღვრისა და შრომის ანაზღაურების წესის დამტკიცების შესახებ

(შევიდა ცვლილება ბსუ-ს წარმომადგენლობითი საბჭოს 2017 წლის 29 ივნისის N2 გადაწყვეტილებით)

„უმალესი განათლების შესახებ“ საქართველოს კანონის მე-18 მუხლის, ბსუ-ს
წესდების მე-10 მუხლის, აკადემიური საბჭოს 2016 წლის 09 აგვისტოს №63
დადგენილებისა და წარმომადგენლობითი საბჭოს რეგლამენტის საფუძველზე
წარმომადგენლობითმა საბჭომ

გადაწყვიტა:

1. დამტკიცდეს „ბსუ-ს აკადემიური და მოწვეული პერსონალის
აკადემიური/საათობრივი დატვირთვის, ჯგუფებში სტუდენტთა ზღვრული
ოდენობის განსაზღვრის და შრომის ანაზღაურების გაცემის თანდართული წესი
(დანართი N1).
2. ძალადაკარგულად იქნეს ცნობილი: ა) „აკადემიური და მასწავლებელთა
პერსონალის აკადემიური დატვირთვისა და ჯგუფებში სტუდენტთა ზღვრული
ოდენობის განსაზღვრის წესის დამტკიცების შესახებ“ ბათუმის შოთა
რუსთაველის სახელმწიფო უნივერსიტეტის წარმომადგენლობითი საბჭოს 2015
წლის 31 ივლისის №01 გადაწყვეტილება; ბ) „სსიპ – ბათუმის შოთა რუსთაველის
სახელმწიფო უნივერსიტეტის აკადემიური პერსონალის (პროფესორი,
ასოცირებული პროფესორი, ასისტენტ-პროფესორი, ასისტენტი) შრომის
ანაზღაურების გაცემის წესის განხილვის შესახებ“ ბათუმის შოთა რუსთაველის

სახელმწიფო უნივერსიტეტის წარმომადგენლობითი საბჭოს 2015 წლის 31 ივლისის №2 გადაწყვეტილება.

3. 2016-2017 სასწავლო წლისათვის დასაშვებად ჩაითვალოს ერთდროულად არაუმეტეს 3 დოქტორანტის ხელმძღვანელობა.
4. წინამდებარე გადაწყვეტილება გავრცელდეს 2016-2017 სასწავლო წლიდან წარმოშობილ სამართლებრივ ურთიერთობებზე.
5. გადაწყვეტილება დაეგზავნოს ბსუ-ს ფაკულტეტებს, სამეცნიერო-კვლევით ერთეულებს, საფინანსო-ეკონომიკურ დეპარტამენტს, სასწავლო და სამეცნიერო პროგრამების მართვის დეპარტამენტს, მაგისტრატურის, რეზიდენტურისა და დოქტორანტურის მართვის სამსახურს, კანცელარიას, საინფორმაციო ტექნოლოგიების სამსახურს და ადამიანური რესურსების მართვის სამსახურს.
6. გადაწყვეტილება გამოქვეყნდეს ბსუ-ს ვებგვერდზე.

წარმომადგენლობითი საბჭოს სპიკერი,

პროფესორი

დ. ბარათაშვილი

დამტკიცებულია წარმომადგენლობითი საბჭოს
2016 წლის 12 სექტემბრის N3 გადაწყვეტილებით
კოდიფიცირებული
დანართი N1

**„ბსუ-ს აკადემიური პერსონალის აფილირების, აკადემიური დატვირთვის განსაზღვრისა
და შრომის ანაზღაურების განსაზღვრის წესი**
(ცვლილება 2017 წლის 29 ივნისის N2 გადაწყვეტილებით)

1. საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტში (შემდეგში „უნივერსიტეტი“ ან „ბსუ“) საგანმანათლებლო საქმიანობა წარიმართოს ძირითადად კონკურსის საფუძველზე შერჩეული აკადემიური პერსონალის (პროფესორის, ასოცირებული პროფესორის, ასისტენტ-პროფესორის, ასისტენტის) და საჭიროების შემთხვევაში ამ წესის მიხედვით მოწვეული პერსონალის (მოწვეული პროფესორი, სპეციალისტი, უფროსი მასწავლებელი, მასწავლებელი) მიერ *(ცვლილება 2017 წლის 29 ივნისის N2 გადაწყვეტილებით)*.
2. აკადემიური თანამდებობის პირი ვალდებულია შეასრულოს: *(ცვლილება 2017 წლის 29 ივნისის N2 გადაწყვეტილებით)*
 - 2.1. შრომითი ხელშეკრულების პირობები;
 - 2.2. სასწავლო და სამეცნიერო-კვლევით სამუშაოსთან (აკადემიურ საქმიანობასთან) დაკავშირებით უნივერსიტეტის სამართლებრივი აქტების მოთხოვნები;
 - 2.3. ბსუ-ს რექტორის ბრძანებით დამტკიცებული სავალდებულო პედაგოგიური დატვირთვა;
 - 2.4. ამ წესის 28-ე პუნქტით განსაზღვრული სავალდებულო სამეცნიერო-კვლევითი საქმიანობა;
 - 2.5. სავალდებულო წლიურ პედაგოგიურ დატვირთვასთან ერთად შესაძლებელია წინამდებარე წესით გათვალისწინებული საათობრივად ანაზღაურებადი სამეცნიერო-პედაგოგიური საქმიანობის განხორციელება.
3. აკადემიური თანამდებობის პირის სავალდებულო აკადემიური დატვირთვის მოცულობის განმსაზღვრელი ფაქტორია ბსუ-სთან აფილირება, რომელიც რეგულირდება დასაქმებულსა და ბსუ-ს შორის ძირითადი სამუშაო ადგილის განსაზღვრის შესახებ წერილობითი შეთანხმებით (როგორც წესი, აღნიშნული შეთანხმება აისახება შრომით ხელშეკრულებაში შრომით-სამართლებრივი ურთიერთობის წარმოშობისთანავე. აფილირების შესახებ მხარეთა წერილობით შეთანხმებაში ცვლილება აისახება შესაბამის შრომით ხელშეკრულებაში) *(ცვლილება 2017 წლის 29 ივნისის N2 გადაწყვეტილებით)*
 - 3.1. ბსუ-სთან აფილირებული აკადემიური თანამდებობის პირი:
 - ა) ბსუ-ს სახელით მონაწილეობს საზოგადოების განვითარებისა და ცოდნის გაზიარების პროცესებში;
 - ბ) ბსუ-ში ახორციელებს ძირითად საგანმანათლებლო, სამეცნიერო-კვლევით საქმიანობას და მისი კვლევის შედეგები ეთვლება ბსუ-ს;
 - გ) აქტიურად არის ჩართული ბსუ-ს საგანმანათლებლო, კვლევით და სხვა მნიშვნელოვან საკითხებთან დაკავშირებით გადაწყვეტილების მიღების პროცესებში;

დ) აქტიურად არის ჩართული სტუდენტებისთვის კონსულტაციების გაწევისა და აკადემიური/სამეცნიერო ხელმძღვანელობის პროცესებში *(ცვლილება 2017 წლის 29 ივნისის N2 გადაწყვეტილებით)*

3.2. ბსუ-სთან აფილირებულად მიიჩნევა:

ა) პირი, რომელიც დასაქმებულია აკადემიურ თანამდებობაზე მხოლოდ ბსუ-ში (მათ შორის პირი, რომელსაც ამავდროულად უჭირავს ბსუ-ს ადმინისტრაციული, სამეცნიერო ან დამხმარე თანამდებობა);

ბ) ბსუ-ს აკადემიური თანამდებობის პირი, რომელთანაც გაფორმებულია აფილირების შეთანხმება და ბსუ-ს შინაგანაწესით გათვალისწინებული წესით ბსუ-ს რექტორისაგან (დეკანის დასაბუთებული წარდგინების საფუძველზე) მიიღო თანხმობა სხვა დაწესებულებაში შეთავსებითი სამუშაოს შესრულებისათვის (თუ ამით ხელი არ შეეშლება ამ პირის მიერ ბსუ-ში ძირითადი სამუშაოდან გამომდინარე მოვალეობის შესრულებას).

3.3. ბსუ-სთან აფილირებულად ვერ ჩაითვლება პირი, რომელიც ამავდროულად დასაქმებულია სხვა დაწესებულებაში (სახელმწიფო უწყებაში, სასამართლოში და ან ისეთ თანამდებობაზე, რომელიც ითვალისწინებს 5-დღიან სამუშაო კვირას - ორშაბათიდან-პარასკევს ჩათვლით, 9 სთ-დან 18 სთ-მდე განრიგით).

3.4. აკადემიური პერსონალის პედაგოგიური დატვირთვა მოიცავს როგორც სააუდიტორიო, ასევე არასააუდიტორიო საქმიანობას. სავალდებულო სააუდიტორიო დატვირთვის შემადგენელი კომპონენტი შეიძლება იყოს:

3.4.1. სალექციო, პრაქტიკული/ჯგუფში მუშაობა, სემინარული და ლაბორატორიული სამუშაო:

ა) სწავლების პირველ საფეხურზე;

ბ) სწავლების მეორე საფეხურზე, სადაც სტუდენტთა რაოდენობა არის 10 ან მეტი;

გ) სწავლების მეორე და მესამე საფეხურზე მცირერიცხოვანი ჯგუფებში (არაუმეტეს 60 სთ-სა);

3.4.2. საველე-სასწავლო/საწარმოო/პედაგოგიური პრაქტიკა - საათების რაოდენობა განისაზღვრება საგანმანათლებლო პროგრამების/სასწავლო გეგმების შესაბამისად. *(ცვლილება 2017 წლის 29 ივნისის N2 გადაწყვეტილებით)*.

4. ბსუ-ში საათობრივი ანაზღაურების წესით შესრულებადი აკადემიური დატვირთვის შემადგენელი კომპონენტი შეიძლება იყოს:

ა) სალექციო, პრაქტიკული/ჯგუფში მუშაობა, სემინარული/ლაბორატორიული სამუშაო - სწავლების სამივე საფეხურზე;

ბ) საველე-სასწავლო/საწარმოო/პედაგოგიური პრაქტიკა - საათების რაოდენობა განისაზღვრება საგანმანათლებლო პროგრამების/სასწავლო გეგმების შესაბამისად;

გ) კურატორობა - ერთჯგუფზე (არაუმეტეს 30 სტუდენტისა) სასწავლო წლის განმავლობაში - 10 საათი (დატვირთვას ასრულებს მხოლოდ ბსუ-ს პერსონალი, რექტორის ბრძანებით განსაზღვრულ გამონაკლის შემთხვევაში შრომითი ხელშეკრულების საფუძველზე მოწვეული პირიც);

დ) საბაკალავრო ნაშრომის ხელმძღვანელობა - ერთი ნაშრომი-10 საათი;

ე) სამაგისტრო ნაშრომის ხელმძღვანელობა (სწავლების მეორე წლიდან) - ერთი ნაშრომი- 20 საათი;

- ვ) სემინარი დარგში, სემინარი ქვედარგში-10 კრედიტის შემთხვევაში -1 სტუდენტი 10 საათი, 5 კრედიტის შემთხვევაში-1 სტუდენტი-5 საათი.
- ზ) დოქტორანტის ხელმძღვანელობა - სწავლების 6 (ექვსი) სემესტრის განმავლობაში - 100 საათი (პირველი სასწავლო წლის ბოლოს ანაზღაურდება 20 საათი, მეორე სასწავლო წლიდან ყოველი სემესტრის ბოლოს - 20 საათი; თანახელმძღვანელის არსებობის შემთხვევაში 100 საათი ნაწილდება პროპორციულად-სემესტრულად);
5. აკადემიური საქმიანობა (არასააუდიტორიო სამუშაო) შეიძლება მოიცავდეს:
- 5.1. მზადება ლექციისთვის ;
 - 5.2. მზადება პრაქტიკული/ ლაბორატორიული მეცადინეობისათვის /ჯგუფში მუშაობისათვის /კურაციისათვის;
 - 5.3. სტუდენტთა კონსულტაცია - „ა“ კატეგორიისათვის კვირაში არანაკლებ 4 საათი, ხოლო „ბ“ და „გ“ კატეგორიისათვის – კვირაში არანაკლებ 2 სთ. (სავალდებულო შესასრულებელი) *(ცვლილება 2017 წლის 29 ივნისის N2 გადაწყვეტილებით).*
 - 5.4. უწყისის/ჟურნალის წარმოება;
 - 5.5. სტუდენტის შეფასება (მიმდინარე, შუალედური, საბოლოო);
 - 5.6. ახალი 100 საგამოცდო ტესტის შედგენა ან საგამოცდო საკითხებისა და კითხვების მომზადება;
 - 5.7. საგანმანათლებლო პროგრამის ხელმძღვანელობა;
 - 5.8. სტუდენტის სამეცნიერო ნაშრომის ხელმძღვანელობა;
 - 5.9. სახელმძღვანელოს თარგმნა;
 - 5.10. *(ამოღებულია 2017 წლის 29 ივნისის N2 გადაწყვეტილებით).*
 - 5.11. სამეცნიერო სემინარზე მოხსენების გაკეთება;
 - 5.12. სამეცნიერო სტატიის მომზადება;
 - 5.13. საკონფერენციო თემის მომზადება;
 - 5.14. *(ამოღებულია 2017 წლის 29 ივნისის N2 გადაწყვეტილებით).*
 - 5.15. *(ამოღებულია 2017 წლის 29 ივნისის N2 გადაწყვეტილებით).*
 - 5.16. დარგობრივ დეპარტამენტში ხარისხის უზრუნველყოფის სამსახურის კოორდინატორობა;
 - 5.17. საჯარო ან ღია ლექციის მომზადება;
 - 5.18. წარმომადგენლობითი საბჭოს წევრობა;
 - 5.19. აკადემიური საბჭოს წევრობა;
 - 5.20. სილაბუსის შედგენა/სრულყოფა;
 - 5.21. საგანმანათლებლო პროგრამის მომზადება;
 - 5.22. *(ამოღებულია 2017 წლის 29 ივნისის N2 გადაწყვეტილებით).*
 - 5.23. *(ამოღებულია 2017 წლის 29 ივნისის N2 გადაწყვეტილებით).*
 - 5.24. საგამოცდო პროცესში მონაწილეობა;
 - 5.25. სემინარი დარგში, სემინარი ქვედარგში -10 კრედიტის შემთხვევაში - 1 სტუდენტზე 10 საათი, 5 კრედიტის შემთხვევაში-1 სტუდენტზე 5 საათი;
 - 5.26. *(ამოღებულია 2017 წლის 29 ივნისის N2 გადაწყვეტილებით).*
6. აკადემიური პერსონალის აკადემიური დატვირთვის შესახებ რექტორის ბრძანების გამოცემის საფუძველი არის შესაბამისი დარგობრივი დეპარტამენტის ხელმძღვანელის წინადადებებისა და დეკანის სამსახურეობრივი ბარათის საფუძველზე ბსუ-ს სასწავლო და სამეცნიერო პროგრამების მართვის დეპარტამენტის მიერ მომზადებული პროექტი.

7. აკადემიური პერსონალისათვის, უმაღლესი საგანმანათლებლო პროგრამების შესაბამისი აკადემიური დატვირთვა (მათ შორის საათობრივად ანაზღაურებადი) უპირველესად განისაზღვრება კვალიფიკაციის/აკადემიური ხარისხისა და საკონკურსო განცხადებაში/ანკეტაში მითითებული სასწავლო კურსების მიხედვით. დარჩენილი საათების შესრულების მიზნით, დარგობრივი დეპარტამენტის ხელმძღვანელის წინადადებით და დეკანის დასაბუთებული წარდგინებით, ბსუ-ს რექტორის ბრძანების საფუძველზე შეიძლება მოწვეული იქნას ბსუ-ში შესაბამისი მიმართულებით 3-წლიანი მუშაობის გამოცდილებისა და შესაბამისი კვალიფიკაციის/კომპეტენციის მქონე პირი - მასწავლებელი, უფროსი მასწავლებელი (დოქტორის ან მასთან გათანაბრებული აკადემიური ხარისხის მქონე პირი) ან სპეციალისტი (შესაბამისი დარგის, 5 წელზე მეტი პრაქტიკული გამოცდილების კვალიფიციური პირი). საგანმანათლებლო პროცესის საჭიროებიდან გამომდინარე, ამავე წესით (კონკურსის გარეშე) შესაძლებელია საქართველოსა და უცხოეთში აღიარებული სპეციალისტის მოწვევა;

8. ემერიტუსები, შეიძლება მოწვეული იქნან ფაკულტეტის დეკანის სამსახურებრივი ბარათის საფუძველზე (კონკურსის გარეშე) მხოლოდ უმაღლესი განათლების მეორე და მესამე საფეხურზე, ბსუ-ს წესდების შესაბამისად (ანაზღაურების გარეშე).

9. პროფესიულ საგანმანათლებლო პროგრამებზე მასწავლებლად შესაძლებელია მოწვეული იქნას(კონკურსის გარეშე) საგანმანათლებლო პროგრამებით განსაზღვრული პერსონალი. საჭიროების შემთხვევაში დასაშვებია, ამ წესის მიხედვით, შესაბამისი გამოცდილების სპეციალისტების მოწვევა პროგრამის ხელმძღვანელის ან/და შიდა მხარდაჭერის ჯგუფების ინიციატივით (მოდულური საგანმანათლებლო პროგრამების შემთხვევაში).

10. ამ წესის მე-6-8 პუნქტების შესაბამისად საათების განაწილების შემდეგ დარჩენილი სამუშაოს შესასრულებლად პერსონალის მოწვევა ხორციელდება ღია კონკურსის წესით, შესაბამისი მიმართულებით მუშაობის/კვალიფიკაციის გათვალისწინებითა და ღია ლექციის (შესაბამისი სააუდიტორიო მეცადინეობის) ჩატარებისა და შეფასების საფუძველზე. კონკურსის ჩატარების ვადები, წარმოსადგენი დოკუმენტაცია, საკონკურსო პირობები და საკონკურსო კომისიის შემადგენლობა განისაზღვრება, შესაბამისი ფაკულტეტის დეკანის წარდგინების საფუძველზე გამოცემული, რექტორის ბრძანებით, რომელიც უნდა განთავსდეს ბსუ-ს ვებ-გვერდზე. დეკანის წარდგინებაში მიეთითება შესასრულებელი სამუშაოს შესახებ ინფორმაცია (ვაკანტური სასწავლო კურსების დასახელება, ჩასატარებელი საათების რაოდენობა და ჩატარების დრო - სემესტრი).

11. შესაბამისი ფაკულტეტის დეკანი საკონკურსო კომისიების სხდომის ოქმის (საკონკურსო მასალა) საფუძველზე მიმართავს ბსუ-ს რექტორს, რომლის საფუძველზეც ბსუ-ს სასწავლო და სამეცნიერო პროგრამების მართვის დეპარტამენტი ამზადებს ბრძანების პროექტს კონკურსში გამარჯვებულ პირთა მოწვევის შესახებ.

12. სასწავლო პროცესის მიმდინარეობის დროს დამატებითი საათების (სასწავლო კურსებზე სააუდიტორიო ჯგუფების შექმნა/გაყოფა და დავალიანებული კრედიტების დარეგისტრირება) წარმოშობის შემთხვევაში მოწვეული უნდა იქნას შესაბამისი სასწავლო კურსის აკადემიური თანამდებობის ან/და მოწვეული პირი (კონკურსის გარეშე და მათი თანხმობით). აუცილებლობის შემთხვევაში დასაშვებია აღნიშნული საათების განაწილება დეპარტამენტის სხვა აკადემიურ ან/და მოწვეულ პირზე.

13. აკადემიური დატვირთვის შესახებ რექტორის ბრძანება გამოიცემა სასწავლო წლის დაწყებამდე. საჭიროების შემთხვევაში სტუდენტთა აკადემიური და ადმინისტრაციული რეგისტრაციის შედეგების გათვალისწინებით, შეიძლება განხორციელდეს ცვლილებები აკადემიურ დატვირთვებში, სწავლების შესაბამის საფეხურზე სასწავლო სემესტრის დაწყებიდან არაუმეტეს სამი კვირის განმავლობაში, გარდა გამონაკლისი შემთხვევებისა (აკადემიური/მოწვეული პერსონალის ავადმყოფობა, შრომითი ურთიერთობის შეწყვეტა/შეჩერება, სტუდენტთა რაოდენობის ცვლილება და სხვა ობიექტური გარემოება). შესაბამისი სამართლებრივი აქტი გამოიცემა კონკრეტული საგამონაკლისო შემთხვევის დადგომიდან არაუგვიანეს ერთი კვირისა.

14. (ცვლილება 2017 წლის 29 ივნისის N2 გადაწყვეტილებით) ბსუ-ს აკადემიური თანამდებობის პირს ბსუ-სთან აფილირების საკითხის გათვალისწინებით შეიძლება ჰქონდეს „ა“ „ბ“ ან „გ“ კატეგორიის აკადემიური დატვირთვა. ამათგან „ა“ და „ბ“ კატეგორიის აკადემიური დატვირთვის (მათ შორის სააუდიტორიო, საკონსულტაციო, სამეცნიერო-კვლევითი და სხვა აქტივობის) შესრულება მოითხოვს ამ პერსონალის ბსუ-ს სამუშაო საათებში (ორშაბათიდან შაბათის ჩათვლით - კვირაში არანაკლებ 5 დღისა და არაუმეტეს 40 საათისა) სამუშაო ადგილზე ყოფნას.

14.1. „ა“ კატეგორიის პედაგოგიური დატვირთვა განესაზღვრება ბსუ-სთან აფილირებულ აკადემიურ თანამდებობის პირს შემდეგი ოდენობით:

- ა) პროფესორს - 280 საათი;
- ბ) ასოცირებულ პროფესორს - 330 საათი;
- გ) ასისტენტ-პროფესორს - 350 საათი;
- დ) ასისტენტს - 370 საათი;
- ე) დარგობრივი დეპარტამენტის ხელმძღვანელს განესაზღვრება 50 საათით ნაკლები სავალდებულო პედაგოგიური დატვირთვა.

14.2. „ბ“ კატეგორიის პედაგოგიური დატვირთვა განესაზღვრება ბსუ-სთან აფილირებულ აკადემიური თანამდებობის პირს, რომელსაც ამავდროულად უჭირავს ბსუ-ს ადმინისტრაციული, სამეცნიერო ან დამხმარე თანამდებობა. აღნიშნული კატეგორიის პედაგოგიური დატვირთვა შეადგენს „ა“ კატეგორიის სავალდებულო პედაგოგიური დატვირთვის 50%-ს.

14.3. „გ“ კატეგორიის პედაგოგიური დატვირთვა - შრომითი ხელშეკრულებით ნაკისრი ვალდებულებებისა და ბსუ-ს სამართლებრივი აქტებით დადგენილი მოთხოვნების შესრულებასთან ერთად სავალდებულო წლიური პედაგოგიური დატვირთვა - განესაზღვრება ბსუ-სთან არააფილირებულ აკადემიურ თანამდებობის პირს შემდეგი ოდენობით:

- ა) პროფესორს - კვირაში 12 საათი/სააუდიტორიო - 140 საათი;
- ბ) ასოცირებულ პროფესორს - კვირაში 15 საათი/სააუდიტორიო - 165 საათი;
- გ) ასისტენტ-პროფესორს - კვირაში 16 საათი/სააუდიტორიო - 175 საათი;
- დ) ასისტენტს - კვირაში 16-საათიან/სააუდიტორიო - 185 საათი;

15. ამ წესის მე-14 მუხლით განსაზღვრული ყოველდღიური და ყოველკვირეული სამუშაოს შესრულების ვალდებულება ვრცელდება სალექციო/სააუდიტორიო მეცადინეობის პერიოდში.

16. სასწავლო წლის დასაწყისში აკადემიური პერსონალს, როგორც წესი, რექტორის ბრძანებით განესაზღვრება „ა“ კატეგორიის აკადემიური დატვირთვა. ბსუ-ს შინაგანაწესის მოთხოვნათა გათვალისწინებით დასაშვებია აკადემიური დატვირთვის კატეგორიის შეცვლა სემესტრის დაწყებამდე არაუგვიანეს 10 დღისა, დასაქმებულის დასაბუთებული განცხადებისა და დეკანის შუამდგომლობის საფუძველზე, გარდა იმ შემთხვევებისა, თუკი შეცვლა განპირობებულია ბსუ-ში ერთზე მეტ სამტატო ერთეულზე შრომითი ურთიერთობის წარმოშობით ან შეწყვეტით.

17. *(ცვლილება 2017 წლის 29 ივნისის N2 გადაწყვეტილებით)* აკადემიური პერსონალის შრომის ანაზღაურება ამ წესით გათვალისწინებული სავალდებულო პედაგოგიური დატვირთვის პირობებში გაიცემა:

ა) „ა“ კატეგორიის პედაგოგიური დატვირთვის მქონე პირზე - სამტატო განრიგით გათვალისწინებული შესაბამისი აკადემიური თანამდებობრივი სარგოს სრული ოდენობით;

ბ) „ბ“ კატეგორიის პედაგოგიური დატვირთვის მქონე პირზე - სამტატო განრიგით გათვალისწინებული შესაბამისი აკადემიური თანამდებობრივი სარგოს ნახევარი;

გ) „გ“ კატეგორიის პედაგოგიური დატვირთვის მქონე პირზე - სამტატო განრიგით გათვალისწინებული შესაბამისი აკადემიური თანამდებობრივი სარგოს ნახევარი.

18. *(ამოღებულია 2017 წლის 29 ივნისის N2 გადაწყვეტილებით).*

19. წლიური სავალდებულო პედაგოგიური დატვირთვა შეიძლება გაიზარდოს 50 საათის ფარგლებში „ა“ კატეგორიის, ხოლო 25 საათის ფარგლებში - „გ“ კატეგორიის იმ აკადემიური თანამდებობის პირისთვის, რომელიც ატარებს მეცადინეობებს მცირერიცხოვან ჯგუფებში (სტუდენტთა რაოდენობა 10-ზე ნაკლები, გარდა პრიორიტეტული, სახელმწიფოს მიერ დაფინანსებული პროგრამებისა). *(ცვლილება 2017 წლის 29 ივნისის N2 გადაწყვეტილებით)*

20. დასაშვებია ერთი პირის მიერ ერთდროულად 8 სადოქტორო/სამაგისტრო /საბაკალავრო ნაშრომის ხელმძღვანელობა სასწავლო წლის განმავლობაში, მათ შორის არაუმეტეს 2 სადოქტორო და არაუმეტეს 3სამაგისტრო ნაშრომის ან ერთდროულად არაუმეტეს 5 სამაგისტრო ნაშრომის ხელმძღვანელობა (დოქტორანტი ან მაგისტრანტი, რომელსაც შეჩერებული აქვს სტუდენტის სტატუსი, არ ჩაითვლება ამ პუნქტით განსაზღვრულ რაოდენობაში).

21. *(ცვლილება 2017 წლის 29 ივნისის N2 გადაწყვეტილებით)* ბსუ-ში საათობრივი ანაზღაურების წესით პედაგოგიური დატვირთვა (სამუშაო) შეიძლება შეასრულოს და შესაბამისად, მიიღოს დამატებითი შრომითი ანაზღაურება ბსუ-ს ადმინისტრაციის ხელმძღვანელის ბრძანებით განსაზღვრული ოდენობით:

„ა) „ა“ კატეგორიის პედაგოგიური დატვირთვის მქონე პირმა - არაუმეტეს 200 სააუდიტორიო საათისა (გარდა საგანმანათლებლო პროგრამებით გათვალისწინებული სასწავლო/საწარმოო პრაქტიკის არაუმეტეს 50 საათისა და საბაკალავრო, სამაგისტრო და სადოქტორო ნაშრომის ხელმძღვანელობის საათებისა);

ბ) „ბ“ კატეგორიის პედაგოგიური დატვირთვის მქონე პირმა (მხოლოდ სამეცნიერო თანამდებობის) არაუმეტეს 50 სააუდიტორიო საათისა (გარდა საგანმანათლებლო

პროგრამებით გათვალისწინებული სასწავლო/საწარმოო პრაქტიკის არაუმეტეს 50 საათისა და საბაკალავრო, სამაგისტრო და სადოქტორო ნაშრომის ხელმძღვანელობის საათებისა);

გ) „გ“ კატეგორიის პედაგოგიური დატვირთვის მქონე პირმა - არაუმეტეს 150 სააუდიტორიო საათისა (გარდა საგანმანათლებლო პროგრამებით გათვალისწინებული სასწავლო/საწარმოო პრაქტიკის არაუმეტეს 50 საათისა და საბაკალავრო, სამაგისტრო და სადოქტორო ნაშრომის ხელმძღვანელობის საათებისა);

დ) ბსუ-ს სამეცნიერო/დამხმარე/ადმინისტრაციული თანამდებობის პირმა, რომელსაც არ უჭირავს ბსუ-ს აკადემიური თანამდებობა - არაუმეტეს 150 სააუდიტორიო საათი (გარდა საგანმანათლებლო პროგრამებით გათვალისწინებული სასწავლო/საწარმოო პრაქტიკის არაუმეტეს 50 საათისა და საბაკალავრო, სამაგისტრო და სადოქტორო ნაშრომის ხელმძღვანელობის საათებისა);

22. *(ამოღებულია 2017 წლის 29 ივნისის N2 გადაწყვეტილებით).*

23. ამ წესის 21-ე პუნქტით დადგენილი შეზღუდვა (დამატებითი საათობრივი დატვირთვის ზღვრული ოდენობა) ვრცელდება ასევე მოკლევადიანი და პროფესიული პროგრამების სასწავლო კურსებზე, თუკი მათი შესრულება დაგეგმილია ბსუ-ს სააუდიტორიო მეცადინეობებისას/სამუშაო დღეებში/საათებში(ორშაბათი-პარასკევი, 09:00 სთ-18:00 სთ).

24. საათობრივი ანაზღაურების წესით შესრულებული სამუშაოს ანაზღაურების შესახებ ბრძანება გამოიცემა ბსუ-ს ადმინისტრაციის ხელმძღვანელის მიერ დამტკიცებული წესის შესაბამისად.

25. სასწავლო სემესტრის დასაწყისში გამოიცემა ფაკულტეტის დეკანის ბრძანება სასწავლო კურსების მიხედვით სტუდენტთა სააუდიტორიო/აკადემიური ჯგუფების შექმნის შესახებ.

26. *(ცვლილება 2017 წლის 29 ივნისის N2 გადაწყვეტილებით)* სააუდიტორიო/აკადემიურ ჯგუფებში სტუდენტთა რაოდენობა განისაზღვრება:

ა) ლექციაზე – 60 სტუდენტით;

ბ) საბუნებისმეტყველო, ექსპერიმენტულ, კომპიუტერულ და ტექნიკურ მეცნიერებებში ლაბორატორიულ/უცხოურ ენებში პრაქტიკული მეცადინეობაზე – 18 სტუდენტით;

გ) ჯანდაცვის/ფსიქოლოგიის სპეციალობების კლინიკურ დისციპლინებში პრაქტიკულ მეცადინეობაზე (კურაცია) – 15 სტუდენტით;

დ) სხვა დანარჩენი სპეციალობების პრაქტიკული/სემინარული მეცადინეობა/ჯგუფში მუშაობა - 30 სტუდენტით;

ე) დამატებითი სპეციალობაზე/მასწავლებლის მომზადების საგანმანათლებლო პროგრამაზე - არანაკლებ 15 სტუდენტით;

ვ) არჩევით სასწავლო კურსში/მოდულში: ბაკალავრიატში - არანაკლებ 15 სტუდენტით, მაგისტრატურაში - არანაკლებ 5 სტუდენტით.“

27. სხვადასხვა სახის პრაქტიკის დროს ჯგუფში სტუდენტთა რაოდენობა უნდა შეესაბამებოდეს სასწავლო ჯგუფში პრაქტიკული მეცადინეობისათვის დადგენილ რაოდენობას, გარდა პედაგოგიური და პროფესიულ საგანმანათლებლო პროგრამებით გათვალისწინებული პრაქტიკისა, სადაც ჯგუფში სტუდენტთა რაოდენობა არ უნდა აღემატებოდეს 15-ს“ *(ცვლილება 2016 წლის 27 ოქტომბრის N2 გადაწყვეტილებით);*

28. (ცვლილება 2017 წლის 29 ივნისის N2 გადაწყვეტილებით) აკადემიური პერსონალის, გარდა დოქტორის აკადემიური ხარისხის არმქონე ასისტენტ პროფესორისა და ასისტენტისა, სავალდებულო სამეცნიერო-კვლევით საქმიანობას (ამ წესის თანდართული კლასიფიკატორის (წინამდებარე წესის დანართი 1) მიხედვით) შეადგენს:

28.1. 2019 წლამდე პერიოდში:

- ა) ბოლო 5 წლის განმავლობაში კლასიფიკატორის პირველი პუნქტით განსაზღვრულ სამეცნიერო ღონისძიებაში მონაწილეობა და შესაბამისი თეზისის/თეზისების გამოქვეყნება;
- ბ) ბოლო 5 წლის განმავლობაში კლასიფიკატორის მე-2 ან მე-3 პუნქტებით განსაზღვრული ნაშრომის/მონოგრაფიის/სახელმძღვანელოს გამოქვეყნება;
- გ) შესაბამისი საგანმანათლებლო პროგრამის ფარგლებში დაგეგმილი სამეცნიერო აქტივობების (საბაკალავრო, სამაგისტრო, სადოქტორო ნაშრომის ხელმძღვანელობა ან სხვ.) შესრულება.

28.2. 2019 წლიდან - 2021 წლამდე პერიოდში:

- ა) ბოლო 5 წლის განმავლობაში კლასიფიკატორის 1.2. ქვეპუნქტით განსაზღვრულ სამეცნიერო ღონისძიებაში მონაწილეობა და შესაბამისი თეზისის/თეზისების გამოქვეყნება;
- ბ) ბოლო 5 წლის განმავლობაში კლასიფიკატორის 2.2, 2.4 (ქართველოლოგიური დარგებისათვის), 2.5, 2.6 ან 3.1 და 3.2 ქვეპუნქტებით განსაზღვრული ნაშრომის/მონოგრაფიის/ სახელმძღვანელოს გამოქვეყნება;
- გ) შესაბამისი საგანმანათლებლო პროგრამის ფარგლებში დაგეგმილი სამეცნიერო აქტივობების (საბაკალავრო, სამაგისტრო, სადოქტორო ნაშრომის ხელმძღვანელობა ან სხვ.) შესრულება.

28.3. 2021 წლიდან - 2023 წლამდე პერიოდში:

28.3.1. პროფესორისათვის:

- ა) ყოველ 3 წელიწადში ერთხელ კლასიფიკატორის 1.2 ქვეპუნქტით ან ყოველ 5 წელიწადში ერთხელ 1.1 ქვეპუნქტით განსაზღვრულ სამეცნიერო ღონისძიებაში მონაწილეობა და შესაბამისი თეზისის/თეზისების გამოქვეყნება;
- ბ) ბოლო 3 წელიწადში ერთხელ კლასიფიკატორის 2.2, 2.4 (ქართველოლოგიური დარგებისათვის), 2.5, 2.6 ან 3.2 ქვეპუნქტებით ან ყოველ 5 წელიწადში ერთხელ 2.1 ან 3.1 ქვეპუნქტებით განსაზღვრული ნაშრომის/მონოგრაფიის/ სახელმძღვანელოს გამოქვეყნება;
- გ) შესაბამისი საგანმანათლებლო პროგრამის ფარგლებში დაგეგმილი სამეცნიერო აქტივობების (საბაკალავრო, სამაგისტრო, სადოქტორო ნაშრომის ხელმძღვანელობა ან სხვ.) შესრულება.

28.3.2. ასოცირებული პროფესორისათვის:

- ა) ყოველ 4 წელიწადში ერთხელ კლასიფიკატორის 1.2 ქვეპუნქტით ან ყოველ 6 წელიწადში ერთხელ 1.1 ქვეპუნქტით განსაზღვრულ სამეცნიერო ღონისძიებაში მონაწილეობა და შესაბამისი თეზისის/თეზისების გამოქვეყნება;
- ბ) ბოლო 4 წელიწადში ერთხელ 2.2, 2.4 (ქართველოლოგიური დარგებისათვის), 2.5, 2.6 ან 3.2 ქვეპუნქტებით ან ყოველ 6 წელიწადში ერთხელ 2.1 ან 3.1 ქვეპუნქტებით განსაზღვრული ნაშრომის/მონოგრაფიის/ სახელმძღვანელოს გამოქვეყნება

გ) შესაბამისი საგანმანათლებლო პროგრამის ფარგლებში დაგეგმილი სამეცნიერო აქტივობების (საბაკალავრო, სამაგისტრო, სადოქტორო ნაშრომის ხელმძღვანელობა ან სხვ.) შესრულება;

28.3.3. ასისტენტ პროფესორისათვის:

ა) ყოველ 5 წელიწადში ერთხელ კლასიფიკატორის 1.2 ქვეპუნქტით ან ყოველ 7 წელიწადში ერთხელ კლასიფიკატორის 1.1 ქვეპუნქტით განსაზღვრულ სამეცნიერო ღონისძიებაში მონაწილეობა და შესაბამისი თეზისის/თეზისების გამოქვეყნება;

ბ) ბოლო 5 წელიწადში ერთხელ კლასიფიკატორის 2.2, 2.4 (ქართველოლოგიური დარგებისათვის) 2.5, 2.6 ან მე-3 პუნქტების 3.2 ქვეპუნქტებით ან ყოველ 7 წელიწადში ერთხელ 2.1 ან 3.1 ქვეპუნქტებით განსაზღვრული ნაშრომის/მონოგრაფიის/სახელმძღვანელოს გამოქვეყნება

გ) შესაბამისი საგანმანათლებლო პროგრამის ფარგლებში დაგეგმილი სამეცნიერო აქტივობების (საბაკალავრო, სამაგისტრო, სადოქტორო ნაშრომის ხელმძღვანელობა ან სხვ.) შესრულება;

28.4. 2023 წლიდან:

28.4.1. პროფესორისათვის:

ა) ყოველ 5 წელიწადში ერთხელ კლასიფიკატორის 1.1 ქვეპუნქტით განსაზღვრულ სამეცნიერო ღონისძიებაში მონაწილეობა და შესაბამისი თეზისის/თეზისების გამოქვეყნება;

ბ) ყოველ 5 წელიწადში ერთხელ 2.1 ან 3.1 ქვეპუნქტებით განსაზღვრული ნაშრომის/მონოგრაფიის/სახელმძღვანელოს გამოქვეყნება;

გ) შესაბამისი საგანმანათლებლო პროგრამის ფარგლებში დაგეგმილი სამეცნიერო აქტივობების (საბაკალავრო, სამაგისტრო, სადოქტორო ნაშრომის ხელმძღვანელობა ან სხვ.) შესრულება;

28.4.2. ასოცირებული პროფესორისათვის:

ა) ყოველ 3 წელიწადში ერთხელ კლასიფიკატორის 1.2 ქვეპუნქტით ან ყოველ 5 წელიწადში ერთხელ 1.1 ქვეპუნქტით განსაზღვრულ სამეცნიერო ღონისძიებაში მონაწილეობა და შესაბამისი თეზისის/თეზისების გამოქვეყნება;

ბ) ბოლო 3 წელიწადში ერთხელ კლასიფიკატორის 2.2, 2.4 (ქართველოლოგიური დარგებისათვის), 2.5, 2.6 ან 3.2 ქვეპუნქტებით ან ყოველ 5 წელიწადში ერთხელ 2.1 ან მე-3 პუნქტების 3.1 ქვეპუნქტებით განსაზღვრული ნაშრომის/მონოგრაფიის/სახელმძღვანელოს გამოქვეყნება;

გ) შესაბამისი საგანმანათლებლო პროგრამის ფარგლებში დაგეგმილი სამეცნიერო აქტივობების (საბაკალავრო, სამაგისტრო, სადოქტორო ნაშრომის ხელმძღვანელობა ან სხვ.) შესრულება;

28.4.3. ასისტენტ პროფესორისათვის:

ა) ყოველ 4 წელიწადში ერთხელ კლასიფიკატორის 1.2 ქვეპუნქტით ან ყოველ 6 წელიწადში ერთხელ 1.1 ქვეპუნქტით განსაზღვრულ სამეცნიერო ღონისძიებაში მონაწილეობა და შესაბამისი თეზისის/თეზისების გამოქვეყნება;

ბ) ბოლო 4 წელიწადში ერთხელ კლასიფიკატორის 2.2, 2.4 (ქართველოლოგიური დარგებისათვის), 2.5, 2.6 ან 3.2 ქვეპუნქტებით ან ყოველ 7 წელიწადში ერთხელ 2.1 ან

3.1 ქვეპუნქტებით განსაზღვრული ნაშრომის/მონოგრაფიის/ სახელმძღვანელოს გამოქვეყნება;

გ) შესაბამისი საგანმანათლებლო პროგრამის ფარგლებში დაგეგმილი სამეცნიერო აქტივობების (საბაკალავრო, სამაგისტრო, სადოქტორო ნაშრომის ხელმძღვანელობა ან სხვ.) შესრულება.

(წინამდებარე წესის დანართი 1)

„ბსუ-ს აკადემიური პერსონალის ავილირების, აკადემიური დატვირთვის განსაზღვრისა და შრომის ანაზღაურების წესის დამტკიცების შესახებ“ ბსუ-ს აკადემიური საბჭოს წინამდებარე დადგენილებით განსაზღვრული სამეცნიერო-კვლევითი პროდუქციის კლასიფიკაცია

1. სამეცნიერო ღონისძიებებში მონაწილეობა და შესაბამისი კონფერენციის თეზისები:
 - 1.1. საკონფერენციო თეზისები, ინდექსირებული ტომსონ როიტერის Web of Science-ის ან Scopus-ის მიერ;
 - 1.2. საკონფერენციო თეზისები, ინდექსირებული Google Scholar -ის მიერ.
 - 1.3. რეგიონული, რესპუბლიკური ან/და საერთაშორისო კონფერენციის მასალები, რომლებსაც არ მოიცავს წინამდებარე კლასიფიკაციის 1.1. და 1.2. ქვეპუნქტები;
2. სამეცნიერო პუბლიკაცია/გამოგონება/პატენტი:
 - 2.1. იმპაქტ-ფაქტორის მქონე სამეცნიერო სტატია, რომელიც ინდექსირებულია ტომსონ როიტერის Web of Science-ის მიერ; სამეცნიერო სტატია გამოქვეყნებულია ჟურნალში, რომელიც აღიარებულია ERIH-ის (European Reference Index of the Humanities) მიერ;
 - 2.2. სამეცნიერო სტატია, რომელიც ინდექსირებულია ტომსონ როიტერის Web of Science, Scopus, SCImago Journal & Country Rank, ResearchGate-ის მიერ;
 - 2.3. რეცენზირებული (Peer-reviewed) სამეცნიერო სტატიები სხვა საერთაშორისო ჟურნალებში*, რომლებსაც აქვთ ISSN კოდი და ჰყავთ საერთაშორისო სარედაქციო საბჭო, ასევე რომლებიც ვრცელდება საერთაშორისო მასშტაბით და არის ღია საერთაშორისო კონტრიბუციისთვის; სამეცნიერო სტატიები, რომლებიც ინდექსირებულია Google Scholar-ში ;
 - 2.4. ქართველოლოგიურ დარგებში მოღვაწე აკადემიური პერსონალისთვის - რეცენზირებული სამეცნიერო სტატიები გამოქვეყნებული ქართულ სამეცნიერო ჟურნალებში*, რომელთაც ჰყავთ ადგილობრივი სარედაქციო საბჭო და აქვთ ISSN კოდი;
 - 2.5. სტატიები/თავები წიგნში, საკონფერენციო მასალებში ან კრებულში, რომლებიც ინდექსირებულია ტომსონ როიტერის Web of Science-ის ან Scopus-ის საკონფერენციო მასალების ციტირების ინდექსით;
 - 2.6. სტატიები საკონფერენციო მასალებში ან კრებულში, რომლებიც ინდექსირებულია Google Scholar-ში;
 - 2.7. პატენტები .
3. წიგნი/მონოგრაფია

- 3.1. მაღალ-რეიტინგული რეცენზირებული (საერთაშორისო რეცენზირების მქონე Peer-reviewed) სამეცნიერო მონოგრაფია უცხო ენაზე (მათ შორის ლექსიკოგრაფიული, წყაროთმცოდნეობითი, ტექსტოლოგიური კვლევების ამსახველი მონოგრაფია), რომელიც ინდექსირებულია Scopus, SCImago Journal & Country Rank, ResearchGate-ის მიერ;
- 3.2. ქართულენოვანი ან სხვა ენაზე შესრულებული, რეცენზირებული (რეცენზირების მქონე Peer-reviewed) მონოგრაფია (მათ შორის ლექსიკოგრაფიული, წყაროთმცოდნეობითი, ტექსტოლოგიური კვლევების ამსახველი მონოგრაფია)*;
- 3.3. საქართველოში გამოცემული მონოგრაფია/სახელმძღვანელო, რომლებსაც აქვთ ISSN ან ISBN კოდი.